



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Capvt III.

urn:nbn:de:hbz:466:1-11261

Desiderius Longobardorum Rex cœnobium S. benedicto exædificauit in *Leno* agri Brixiani vico, filiam vero *Ansilbergam* diuino cultui virginem consecrauit, in monasterio à se constructo ad urbem Brixiam quod Christo Saluatori & S. Iuliæ martyri anno 761. dedicauit. Pium hoc opus approbauit Paulus Papa anno 762. vt narrat Sigonius lib. 3. de regno Italiæ.

CAPVT III.

Monasterium S. Petri de Cardena, secundo lapide à Burgenfi vrbe, in Castella veteri situm.

Est istud monasterium inter Hispanica omnium antiquissimum, vtpote an. Christi 540. fundatum per monachos à S. benedicto in Hispaniam missos. Fundatrix fuit *Sanctia* mater *Seueriani* Ducis prouinciæ Carthaginensis, qui fuit pater Sanctorum *Leandri*, *Isidori*, *Fulgentij* & *Florentia*. Hoc monasterium reædificandum curauit *Rodericus Diaz*, vulgo *Cid Ruy Diaz de Viuar* dux belli contra Mauros famosissimus, qui & ibidem voluit sepeliri. Tumulus eius hodieque magna cum admiratione spectatur. Obijt autem Valentia anno christi 1099. Sic tradit Prudentius Sandouallius, Prior perpetuus monasterij S. Iohannis Regalis de Naranco, & Chronogra-

540.

phus Regius, nunc Episcopus Pompelonensis, in prima parte de foundationibus monasteriorum Ordinis S. Benedicti in Hispania, ab an. Christi 540. vsque ad annum 714. quo Mauri Africani in Hispaniam irruerunt. Exstat is liber Hispanicè in folio editus Madriti anno 1601.

Monasterium S. Toribij de Lieuana, in Hispania.

Situm est hoc monasterium in montibus Sanctæ Iulianæ, primo lapide ob opido Potes nuncupato, & creditur fundatum temporibus S. Benedicti. Nomen habet à S. Toribio monacho, fundatore: qui est alius à S. Toribio Episcopo Asturicensi. Nam Toribius Episcopus vixit circa annum Christi 450. temporibus Leonis Papæ: Toribius autem monachus floruit circa annum 544. temporibus Montani Archiepiscopi Toletani. Monachi meminit Ildesonus lib. de Scriptoribus ecclesiasticis, vbi de Montano agit. Vterque Toribius Fidem Palentiæ propagauit, & contra Priscillianistarum hæreses depugnauit. Vtriusque sacrum corpus hoc in monasterio adseruatur in facello subterraneo. In eodem monasterio adseruatur magna pars *Crucis Dominicæ*, & magno hominum piè peregrinantium concursu frequentatur. Ita Prudentius Sandouallius, in Parte Prima foundationum monasteriorum benedictinorum in Hispania.

Mon-

Monasterium S. Claudij, ad muros vrbs Legionensis, & alia in Hispania.

HOc monasterium fundatum est in honorem SS. martyrum Claudij, Lupercij & Victorij, quorum corpora ibidem adseruantur. Putatur autem fundatum temporibus Sancti Benedicti, iuxta traditionem à maioribus acceptam. Huius monasterij quondam Abbas fuit Sanctus *Vincentius* martyr, cuius sacrum corpus adseruatur in basilica cathedrali Ouetensi, arcæ argenteæ inclusum. In eodem monasterio, ob loci sanctitatem, olim vixit S. *Leander* Archiepiscopus Hispalensis. Fuit hoc monasterium olim Congregationis Cluniacensis, nunc autem Vallisoleranæ, ab anno Christi 1500. Ita Sandouallius in prima parte Foundationu in monasteriorum benedictinorum.

Est & illustre monasterium de Ona dictum, haud procul situm à Medina del Pumar de miranda, per *Sanctium* Castiliæ Comitem anno 1010. fundatum, ad expiandum parricidium matri à se illatum. Prima huius loci Abbatissa fuit *Tingidia* Sanctij fundatoris filia. Fuit enim hoc cœnobium primò monialium, sed hodie est monachorum benedictinorum.

In regno Nauarræ in d. Pompelonensi

est Abbatia S. Saluatoris *de Leyra*, fundata per Regem *Inicum Ximouium Ariftam*, anno 840.

Est illustris pariter Abbatia in Nauarræ opido *Naiara*, quæ vulgò dicitur, *El Real de Naiara*, in qua 37. Reges sepulti sunt.

Sunt infuper in Hispaniarum regnis alia multa coenobia Abbatiali titulo clara, vt *Cella noua* in d. *Auriensi*, in regno *Galicix*, fundata per *Rofefuindum* Archiepiscopum *Compostellanum*. In eodem coenobio quiescit corpus S. *Torquati* Episcopi *Gaditani*.

Abbatia S. *Stephani*, dicta, *in Riba de Sil*, quòd ad fluuium nominis eiusdem sita fit in regno *Galicix*.

Abbatia S. *Ioannis de la Penna*, in confini- bus *Aragonix* & *Nauarræ*.

Abbatia S. *Martini*, in vrbe *Mantua Carpetanorum*, seu *Madrito*.

Abbatia S. *Petri de Arlanca*, ad fl. de *Arlanca*, fundata per Comitem *Fernandum Gonzales* *Castellæ* Administratorem, eodem in monasterio sepultum.

Abbatia S. *Dominici de Silos*, in d. *Calaguritana*, quæ nomen ab eodem Sancto habet.

Abbatia de *Hipoll*, in Principatu *Catalauniz*, tumulis antiquorum Comitum *Barcino- nensium* insignis.

Abbatia, vulgò *El Real de yrache*, in vrbe *Stella*, in regno *Nauarræ*.

Abbatia nostræ *Dominæ*, *Sopetram* dicta, prope opidum *Hita*, ad fl. *Henares*.

Abba-

Abbatia s. Victoriani, in d. Oscensi, in regno Aragoniæ.

Abbatia s. Cucuphæ, vulgo de s. Colgato-
ctauo lapide ab vrbe Barcinonensi, ab eius-
dem prouinciæ Comitibus fundata.

Abbatia s. Petri de Roda, in Ampurijs ad
mare sita.

Abbatia s. Martini in vrbe Compostella-
na, quæ vulgo s. Iacobi dicitur in regno Gali-
ciæ.

CAPVT IV.

*S. Matthiæ cœnobium, apud Treueros, in
Germania.*

S Matthiæ præpotens ac magnificum ho-
die extra muros Treuerenses cœnobi-
um, reformationis Bursfeldensis, dictum est
antiquitus *S. Eucharij Cella*, à *S. Eucharjo* pri-
mo Treuerorum Doctore & Episcopo, qui ex
septuaginta duobus discipulis vnus, à s. Petro
cum alijs duobus *Materno & Valerio* Treue-
rim missus dicitur. Cumque ibi concionatus,
ad Christum Treueros duceret, Albanæ fena-
tricius cuiusdam filium defunctum à mortuis
resuscitauit; pro quo beneficio, cum dedisset
femina domum suam sancto Dei viro; ipse-
met ex illa domo priuata, publicum eorum,
qui iam Christo inserti erant, templum fecit.
In hac domo & in hoc ipso tēplo *s. Eucharjus*
habitauit: in hac domo mortuus, mox ab au-